

Becce' Pekkeran Alketab - Good Mind Scriptures

Markus 5:15 Sanapa'na ka kennengnganna Isa, reng-oreng jareya nangale'e oreng se asalla kasosoban erroh jahat jarowa teppa'na toju' e jadhiya. Oreng jareya la akalambi ban pekkeranna la baras. Reng-oreng se nangale'e jareya laju padha tako'.

Lukas 8:35 Reng-oreng laju padha kalowar nengguwa kadaddiyen jareya. Sanapa'na ka kennengnganna Isa, reng-oreng jareya nangale'e oreng se la epabaras dhari roh-erroh jahat rowa toju' e seddi'na padana Isa. Oreng jareya akalambi sarta pekkeranna la baras. Daddi reng-oreng jareya padha katako'en.

Caretana Para Rasul 17:11 Reng-oreng Bereya jareya lebbi tabukka' atena katembang reng-oreng e Tesalonika. Reng-oreng e jadhiya ngedhingngagi kabar parkara Isa kalaban ate senneng, ban sabban are maca Alketab epatete terro taowa apa se edhabuwagi Paulus jareya pajat bendher.

Caretana Para Rasul 20:19 Kalaban andhap asor sarta bannya' mangalocor aeng mata kaula alako kaagem Guste Isa e dhalem kasangsara'an se eadhebbi kaula polana reng-oreng Yahudi se andhi' sajja jahat ka kaula.

Roma 7:24/25 Daddi kabadha'an kaula cara paneka: kaula ta'at ka hokomma Allah kalaban akkal sareng pekkeran kaula, nangeng tabi'adda manossana kaula, kaula kala ka dusa. Palang ongu kaula paneka! Pasera se poron masalamedda kaula dhari badan kaula paneka se ngeret kaula ka pate? Sokkor ka Jehovah! Salerana kasokan masalamet kaula kalaban parantara'anna Isa Almasih.

Roma 8:6 Mon pekkeranna sampeyan ekobasae tabi'adda manossa, se ekaolle sampeyan enggi paneka pate. Tape mon pekkeranna sampeyan ekobasae Errohna Jehovah, se ekaolle sampeyan enggi paneka odhi' ban kataremtemman sareng Jehovah.

Roma 8:27 Daddi Jehovah se ngagali ka essena atena manossa, ngagali ka kasokanna Erroh gapaneka; sabab Erroh gapaneka nyo'onnagi ommadda Jehovah ka Jehovah, ban cocok sareng kasokanna Jehovah. 28 Sampeyan sareng kaula sadaja oneng ja' Jehovah paneka se ngator sadajana parkara kantos ngasellagi barang se sae ka reng-oreng se taresna ka Salerana ban se etembali menorot rancanana.

Roma 11:34 E dhalem Alketab esebugi sapaneka, "Sapa se tao ka panggaliyanna Pangeran? Sapa se bisa la-malae Salerana?

Roma 12:2 Sampeyan ja' atoro' ka atoran-atoranna dunnya paneka. Dinggal me' olle Jehovah se ngoba pribadhina sampeyan sampe' daddi anyar,

sopaja sampeyan aoba. Kalaban sapaneka sampeyan sanggup ngaonenge kasokanna Jehovah -- enggi paneka pa-ponapa se sae sareng se masenneng panggaliyanna sarta pa-ponapa se samporna.

Roma 12:16 Parokon sadaja. Ja' ko-angko, tape noro'agi ka oreng se mandhap kadhudhuganna. Ja' nganggep aba'na sampeyan apenterran dhari se salerressa.

Roma 14:5 Badha oreng se nganggep are se settong lebbi penting dhari are laenna, dineng oreng laenna nganggep sadajana are padha saos. Dinggal oreng padha nantowagi panemmona bang-sebang.

Roma 15:6 Kalaban ate se padha sampeyan sadaja areng-sareng bisa amolja'agi Jehovah, Ramana Guste Isa Almasih.

1 Korintus 1:10 Tan-taretan! Bit asmaepon Guste Isa Almasih, kaula nyo'ona ka sampeyan sopaja padha parokon, ja' kantos aca-pecca. Parokon, settong ate sareng settong pekkeran.

1 Korintus 2:16 E dhalem Alketab esebugtagi, "Sapa se tao ka panggaliyanna Pangeran? Ban sapa se bisa la-malae Salerana?" Sampeyan sareng kaula sadaja se gadhuwan pekkeran se padha sareng Almasih!

2 Korintus 7:7 Se malepor ate kaula sadaja banne namong polana Titus dhateng, nangeng juga polana Titus notorragi saponapa talepor atena polana sampeyan. Titus nyareta'agi ka kaula sadaja ja' sampeyan ce' terrona se tapanggiya sareng kaula; ja' sampeyan kasta polana kasala'anna sampeyan se sabbanna ban samangken ehlas abillai kaula. Parkara ganeka sajan maperak ate kaula.

2 Korintus 8:12 Mon sampeyan ehlas ngatore, Jehovah tanto narema toratorra sampeyan ganeka adhasar ka ponapa se badha e sampeyan, banne adhasar ka se tadha' e sampeyan. (1 Kronika 28:9)

2 Korintus 9:2 Kaula oneng ja' sampeyan lebur nolong oreng, ban kaula ampon ngalem sampeyan ka reng-oreng e Makedoniya. Kaula ngoca' ka reng-oreng e ka'issa', ja' molae taon se kapongkor tan-taretan e Akhaya ampon asadhiya se ngatorana sombangan. Ban samangadda sampeyan ampon marabbang juga samangadda sabagiyen e antarana reng-oreng ganeka.

2 Korintus 13:11 Dhi-budhina, tan-taretan, sampeyan kodu gumbira, ban kodu aehteyar sopaja daddi samporna. Tore tarema sadajana babala'an kaula. Sampeyan kodu parokon, ja' atokaran. Jehovah Se Mahaase ban Jehovahna kataremtemman bakal asarengngana sampeyan.

Efesus 4:23 Ate sareng pekkeranna sampeyan kodu epaanyar.

Filipi 2:2-5 Samangken, tore sampeyan masenneng ate kaula onggu kalaban cara sapaneka: Odhi' settong ate kalaban kataresna'an se padha, kalaban pekkeran se padha sarta kalaban tojuwan se padha. 3 Ja' ngalakone ponapa'a saos lantaran kaparlowanna sampeyan dibi', otaba polana terro ngedirragiya aba'. Sabalingga sampeyan sadaja kodu kalaban andhap asor

nganggep oreng laen asaeyan dhari sampeyan. 4 Gateyagi kaparlowanna oreng laen, ja' pera' kaparlowanna dibi' saos. 5 Sampeyan kodu kaagungan ate akadi Isa Almasih:

Filipi 4:2 Taretan Euodiya sareng taretan Sintikel! Kaula ngarep kalaban guonggu sopaja sampeyan rokon menangka reng-oreng se saiman.

Filipi 4:7 Kalaban sapaneka, kataremtemman dhari Jehovah se ta' kera epahame manossa, bakal ajaga'a ate sareng pekkeranna sampeyan se ampon daddi settong sareng Isa Almasih. (Yesaya 26:3)

Kolose 3:12 Sampeyan paneka ommadda Jehovah. Jehovah taresna ka sampeyan, sampeyan epele ebadhi kaagunganna malolo. Daddi sampeyan dibi' kodu noduwagi bellas ase, becce' ate, andhap asor, alos ban kowat nanggung kasossa'an.

2 Tesalonika 2:2 Sampeyan ja' gampang bingong otaba ngalengsang polana badha berta ja' ampon napa' arena Guste Isa rabu pole. Olle daddi berta ganeka asallepon dhari settong nobuwat, otabana dhari settong pangajaran; olle daddi badha se ngoca' ja' kaula sareng tan-taretan laenna oneng noles parkara ganeka e dhalem sala settonga sorat kaula sadaja.

2 Timotiyus 1:7 Sabab Erroh se eparengngagi Jehovah ka sengko' ban ba'na banne Erroh se agabay oreng daddi tako'an. Sabaligga Erroh jareya makowat sengko' ban ba'na, sengko' ban ba'na epapossa' ban kataresna'an sarta epakowat ngampet napso.

Titus 2:6 Bariya keya, la-balai para ngangodhadan sopaja bicaksana.

Ibrani 8:10 Tape sateya, areya' parjanjiyan se ebadha'agiya Sengko' ban ommat Isra'il e re-are se bakal dhatengnga, dhabuna Pangeran: Sengko' nyaba'a Tang hokom e dhalem atena bangsa jareya, ban etolesa e dhalem atena. Sengko' daddiya Jehovahna reng-oreng jareya, ban reng-oreng jareya daddiya Tang ommat.

1 Petrus 1:13 Daddi sampeyan kodu asadhiya. Te-ngate, ban ngarep ja' ngasatengnga ka berkat se eparengngagiya ka sampeyan e bakto Isa Almasih rabu pagi'.

1 Petrus 5:2 sopaja sampeyan ngowan ba-dumba se saambalan se epassra'agi Jehovah ka sampeyan. Owan ba-dumba ganeka sareng ate se senneng akadi se ekasokane Jehovah, banne sareng ate berra'. Sampeyan ja' ngalakone lalakon ganeka polana nyareya kaontongan, tape polana sampeyan pajat terro aladinana onggu.

2 Petrus 3:1 Tan-taretan se kakasel! Paneka' sorat kaula ka sampeyan se kapeng dhuwa'na. E dhalem sorat se dhadhuwa' paneka kaula aehteyar majaga pekkeran se ne-morne e sampeyan.

Yakobus 1:17 Saneyap papareng se sae sareng sadajana persen se samporna, asalla dhari sowarga; etoronnagi sareng Jehovah, se nyepta'agi sadajana se tera' e langnge'. Salerana ganeka Jehovah se ta' aoba, sareng ta' ngoba madhateng papetteng ponapa'a saos. (Ayyub 23:13)

Wahyu 17:9 E dhalem parkara reya kodu badha hekmat ban pangarteyan.

Cethak se papetto' rowa gumo' se papetto'; iya areya mo'-gumo' kennengnganna babine' rowa toju'. Ban cethak se papetto' rowa to-rato se kapetto:

Jahat Pekkeran Alketab - Bad Mind Scriptures

Markus 7:21 Sabab dhari dhalem, iya areya dhari ate, kalowar pekkeran se hat-jahat se daddi lantaranna oreng alako ma'seyat, ngeco', mate'e oreng, (Hizkiyel 38:10)

Lukas 12:29 Daddi, ba'na ta' osa kobater otabana bingong mekkere apa se ekakana ban apa se eenoma ba'na.

Caretana Para Rasul 12:20 Herodes ce' dukana ka reng-oreng Tirus ban Sidon. Daddi reng-oreng jareya areng-bareng nyabis ka Herodes jareya. Dha'-adha'na reng-oreng jareya nyacae Blastus, se ngapalae karatonna Herodes, sampe' Blastus nolonge reng-oreng jareya. Saellana jareya reng-oreng buru laju ngadhep ka Herodes, nyo'on adhame, sabab nagarana targantong ka kakanan dhari nagarana Herodes.

Caretana Para Rasul 14:2 Tape reng-oreng Yahudi se ta' endha' parcaya nyacae reng-oreng se banne Yahudi sampe' padha baji' ka reng-oreng se parcaya ka Isa.

Roma 1:28 Sarrena manossa ta' arassa parlo andhi' pangataowan parkara Allah, daddi sareng Allah edinggal pekkeranna daddi rosak, kantos reng-oreng gapaneka ngalakone pa-ponapa se koduna ta' kengeng elakone.

Roma 8:6,7 Mon pekkeranna sampeyan ekobasae tabi'adda manossa, se ekaolle sampeyan enggi paneka pate. Tape mon pekkeranna sampeyan ekobasae Errohna Jehovah, se ekaolle sampeyan enggi paneka odhi' ban kataremtemman sareng Jehovah. 7 Oreng se pekkeranna ekobasae tabi'adda manossa paneka amosowan sareng Jehovah; sabab oreng gapaneka ta' ngestowagi hokomma Jehovah; ban pajat oreng ganeka ta' bisa ngestowagi hokomma Jehovah.

Roma 11:20 Ganeka lerres. Tape reng-oreng ganeka ebuwang polana ta' parcaya, dineng sampeyan etarema polana sampeyan parcaya. Daddi sampeyan ja' somborg polana ganeka; sabaligga sampeyan kodu tako'.

2 Korintus 10:5 ban magujur teng-binteng kasombongan se epaddek kaangguy nolak pangataowan parkara Jehovah. Kaula sadaja nawan pekkeranna reng-oreng epatellok ka Almasih.

2 Korintus 11:3 Nangeng kaula kobater tako' sampeyan tagudha ban ta' esto ka Almasih, akadi Hawa se lamba' tagudha sareng olar.

Efesus 2:3 Gi' dhimen sampeyan sareng kaula sadaja padha saos sareng reng-oreng ganeka, odhi' norodi tabi'adda manossa e dhalem aba' paneka sareng ngalakone pa-ponapa se masenneng badan sareng pekkeran. E bakto ganeka sampeyan sareng kaula paneka reng-oreng se ekenneng babendunna Jehovah, padha akadi reng-oreng laenna.

Efesus 4:17 Daddi, kalaban asmana Pangeran, kaula ngoca'a ban materranga parkara paneka: sampeyan ambu ja' terros odhi' akadi oreng se ta' oneng ka Jehovah, se apekker se ne-banne.

Kolose 1:21 Gi' dhimen sampeyan jau dhari Jehovah, sampeyan ngamoso Salerana sabab pekkeranna sampeyan jahat. (Parompama'an 21:27; Hizkiyel 23:17)

Kolose 2:18 Sampeyan ja' poron eparogi oreng se tha-kantha marendha asor sareng nyemba kat-malaekat. Reng-oreng ganeka angga' polana pekkeranna se dhari dunnya, sarta dir-ngedirragi ton-pangatonanna se kusus,

1 Tesalonika 5:14 Kaula sadaja nyo'ona jugan ka sampeyan, tan-taretan, paenga'agi kalaban rokon reng-oreng se ta' poron alalakon, paraja ate reng-oreng se tako', tolong oreng se parlo etolong, sareng pasabbar ka sadajana oreng.

2 Tesalonika 2:2 Sampeyan ja' gampang bingong otaba ngalengsang polana badha berta ja' ampon napa' arena Guste Isa rabu pole. Olle daddi berta ganeka asallepon dhari settong nobuwat, otabana dhari settong pangajaran; olle daddi badha se ngoca' ja' kaula sareng tan-taretan laenna oneng noles parkara ganeka e dhalem sala settonga sorat kaula sadaja.

1 Timotiyus 6:5 sarta matokaran oreng se tadha' marena. Pekkeranna reng-oreng jareya la topo ban ta' teppa' pole. Reng-oreng jareya nyangka bisa daddi sogi dhari agama.

2 Timotiyus 3:8 Akantha Yanes ban Yambres se alaban ka Mosa lamba', bariya keya reng-oreng buru nolak pangajaran dhari Jehovah. Reng-oreng jareya pekkeranna rosak ban imanna kandhas.

Titus 1:15 Apa'a bai socce monggu ka oreng se socce. Tape ka oreng se pekkeranna kotor ban ta' andhi' iman, tadha' barang se socce, sabab pekkeran ban atena la kotor.

Ibrani 12:3 Mon sampeyan ta' noro' eokom akadi tra-pottrana se laen artena sampeyan banne pottrana se essa, nangeng pottra se ta' essa.

Yakobus 1:7/8 Oreng se kadi ganeka ta' teptep pekkeranna; ta' bisa motose pa-ponapa e dhalem sadajana lalakonna. Daddi, oreng ganeka ta' osa jugan ngarep narema'a pa-ponapa dhari Jehovah.